

nedostacima uz utvrđeni rok za otklanjanje nedostataka zahtjeva.

- (3) Rok iz stava (2) ovog člana ne može biti duži od 30 dana.
- (4) Ukoliko podnosilac zahtjeva ne ukloni uočene nedostatke u propisanom roku, Ministarstvo zahtjev odbija zaključkom.
- (5) Ukoliko zahtjev ispunjava formalne uslove, Ministarstvo program za obrazovanje odraslih dostavlja na mišljenje JU Pedagoški zavod Unsko-sanskog kantona (u daljem tekstu Pedagoški zavod).
- (6) Rok za dostavljanje mišljenja iz stava (5) ovog člana je 15 dana.
- (7) Nakon zaprimljenog pozitivnog mišljenja o programu od strane Pedagoškog zavoda, ispunjenost uslova za rad i realizaciju novih programa obrazovanja odraslih utvrđuje Komisija za provjeru ispunjenosti uslova za rad i realizaciju novih programa obrazovanja odraslih (u daljnjem tekstu: Komisija).

Član 6. (Imenovanje Komisije)

- (1) Ministar imenuje Komisiju najkasnije u roku od 10 dana od dana prijema urednog zahtjeva, kojeg provjerava služba ministarstva.
- (2) Komisija ima tri člana, od kojih je jedan predsjednik.
- (3) Komisiju čine dva predstavnika Ministarstva i jedan predstavnik Pedagoškog zavoda.
- (4) Za rad Komisije odgovoran je predsjednik.
- (5) Ministarstvo može imenovati dodatne članove komisije ukoliko procijeni da postoji potreba.

Član 7. (Način rada Komisije)

- (1) Komisija radi u punom sastavu.

- (2) Komisija utvrđuje ispunjenost uslova za rad i realizaciju novih programa obrazovanja odraslih:
 - a) uvidom u dostavljenu dokumentaciju,
 - b) uviđajem na licu mjesta u prostorijama organizatora obrazovanja odraslih.
- (3) Komisija uviđajem na licu mjesta posebno utvrđuje ispunjenost uslova za realizaciju praktične nastave.
- (4) Uviđaj na licu mjesta vrši se u prostorijama koje su vlasništvo organizatora obrazovanja odraslih ili u prostorijama koje organizator obrazovanja odraslih koristi na osnovu ugovora o poslovnoj saradnji.
- (5) Komisija sačinjava zapisnik u kojem navodi:
 - a) datum, mjesto, vrijeme sačinjavanja zapisnika,
 - b) prisutna lica,
 - c) utvrđeno činjenično stanje,
 - d) programe za koje organizator obrazovanja odraslih ispunjava uslove za rad i realizaciju istih,
 - e) Kvalifikacije/kompetencije stručnih lica koji realizuju programe obrazovanja odraslih sa prilogom kopija diplome / javnih isprava kojim se dokazuju kvalifikacije/kompetencije,
 - f) zapisnik potpisuju sva prisutna lica.

Član 8. (Rješenje o ispunjenosti uslova za realizaciju novih programa obrazovanja odraslih)

- (1) Ministar, na osnovu zapisnika Komisije o utvrđenim činjenicama, donosi rješenje kojim se utvrđuje da li su ispunjeni uslovi za realizaciju novih programa obrazovanja odraslih.
- (2) Organizator obrazovanja odraslih, na

